

天下郡國利病書

一

9

金夾

185745

9

天下罪國制書

五

185745

天下郡國
利病書

四部叢刊三編史部

上海涵芬樓
景印崑山圖
書館藏稿本

亭林先生博學通儒所誤述行世者皆
有關於世道風俗非僅以談論見長唯天
下郡國利病書未有彙本外間傳寫以
表分析失其元第然猶珍為枕中之秘頃
羗園孝廉賈得傳是樓舊藏本廿四冊
識是先生手蹟蠅頭小楷密比行間想
見昔賢用心專勤不肯假手鈔胥故能

卓然成一家言也堯圃其善藏之士子

十月廿四日竹汀居士錢大昕題



乙卯春再閱於讀未見書齋其中仍不

出目鈔胥手者而朱筆校改皆先生手定

予向所題識未免彌縫之題年月蓋以自

詒大昕又記

崑山顧亭林先生著作富矣予所見槧本惟左傳杜
解補正九經誤字石經考金石文字記音學五書吳
才老韻補正日知錄譎觚十事昌平山水記山東考
古錄京東考古錄敕文格論雜著詩集文集數
餘種而已其傳寫行世者自天下郡國利病書外不
多見間讀其文集有天下郡國利病書序肇域志
序竊疑兩書何以一存一佚書之顯晦殆有幸有不
幸耶乾隆己酉九秋友人張秋塘以天下郡國利病書原

稿亦余共三十四冊蠅頭小楷密綴行間楮墨具有古氣秋
塘謂余曰此亭林真蹟也蓋寶之余畱閱一夕至山東省
見卷首部頁不全書中文義上有殘闕遂掩卷就寢
而罷明晨秋塘索書甚急因還之然余猶不忍舍是
書也往晤秋塘秋塘備述是書原委云是傳是樓舊
物而徐後歸諸顧、後歸諸王此書迺得自王蓮涇家
蓋蓮涇素藏書而健菴係亭林之甥其為原稿無疑即
有殘闕安知非即亭林序中所云亂後多有散佚者乎

重詢是書已歸蔣春皋處余方悔前此之不即歸之也
閱歲至壬子春有五柳居書友携是書來余且驚且喜
叩其故知以古帖從春皋易得方悟人各有所好春皋
所好在古帖而是書不甚惜予所好在古書而是書得
復來遂以白鏹數十金易之是書本數與蘇州府志藝
文門所引子衍生日今傳寫本三十四冊之說相合每本旁有
小數自一至三十四惟缺第十四本茲之強分十五為十四
者定係後人偽作每本部頁標某省或某府字樣

序次先後起自北直而蘇松常鎮江寧廬州安慶鳳
寧徽淮徐揚河南山東山西陝西四川浙江江西湖廣
福建廣東廣西雲南貴州交趾西南夷九邊四夷而
止他省不分府南直獨分者蓋亭林藉隸南直記載
加詳與省府有上中下之別恐卷帙繁重故分之也每
本有備錄字始猶未得其解覆案肇域志序有
云本行不盡則注之旁、又不盡則別為一集曰備
錄則此書與肇域志相出入亦未可知否則如利

病書序所云有得即錄共成四十餘帙一為與地
之記一為利病之書兩書本合而存之與至於府志
載是書為一百卷而外間傳寫本又強分一百二十
卷今觀原稿並無卷次則分卷之說俱不足信且各
省先後傳寫本不復如原稿次第故取對多所不
同即所缺之第十四本或居十三本河南省之後而
所缺在河南或居十五本山東省之前而所缺在
山東皆不得而知之也今十五本從新店淺云起

決非完書取傳寫本相對山東省有起數頁河南
省亦於起處多兩頁余為錄入非敢偽為也亦補其所
當補耳他若每本部頁悉仍其舊至某省某府以
及備錄二字其為亭林手書與否任人以字蹟辨之
可也本數多寡已分三十四為六十有原稿部頁別之
仍可弗亂噫古來地理書何限地理書之不全而
仍實於世者又何限後魏酈道元之水經注唐李
吉甫之元和郡縣志宋樂史之太平寰宇記王存之

元豐九域志元岳璘所修之一統志皆是也何嘗必
求其全也我向使如外間傳寫之本強分卷數以託於全
幾如無縫天衣已失廬山面目殊不思亭林自序中原
以為初稿未即成完書也烏乎可余今得是書以還
亭林之舊觀以正俗本之訛謬余有之抑豈惟余之
幸邪敢不寶而藏之以俟後之能讀是書能用是
書者

乾隆歲在元默困敦陽月上弦前一日聽松軒主人書



崇禎十二年己卯十月纂輯

北直隸上

天下郡國利病書

備錄

序

崇禎己卯秋闈被擯退而讀書感四國之多虞恥
經生之寡術於是歷覽二十一史以及天下郡縣
志書一代名公文集間及章奏文冊之類有得即
錄共成四十餘帙一為輿地志記一為利病之書
比遭兵火多有散佚亦或增補而其書本不曾先
定義例又多往代之言地勢民風與今不合年老
善忘不能一一刊正姑以初藁存之篋中以待後
之君子斟酌去取云爾

壬寅七月望日亭林山人書



編印例言

一本書爲未成之稿原不分卷四庫總目一百卷坊刻一百二十卷黃氏題詞謂俱不足信並據原書面葉所標某省府決爲原分三十四冊第十四冊已佚今卽遵用原編冊數其原闕者亦仍其舊

二原編冊數未有次第黃氏定爲起自北直而蘇松常鎮江寧廬州安慶鳳寧徽淮徐揚河南山東山西陝西四川浙江江西湖廣福建廣東廣西雲南貴州交趾西南夷九邊四夷而止今卽從之以第先後

三原編冊數厚薄不均且第十四冊已闕循是分冊數必間斷殊有未宜後人析爲六十冊裝本亦嫌過薄今併附注及亭林年譜編爲五十冊冀稍勻整非於原編冊數有所變更也

四原本山東河南二省起處各闕數葉黃氏就傳寫本各爲補錄今江西省篇帙獨少與傳寫本刻本相對闕形勝水利二篇雲南省亦闕形勝一篇貴州省闕總輿圖記疆域二篇今悉據傳寫本景補亦黃氏非敢僞爲補所當補意也

五顧氏自序言有得卽錄故每篇多自爲起訖書非原裝凌亂尤甚例如北直隸遼鎮形勢當與昌鎮形勝相接者原編乃誤隔十五葉湖廣省有宮殿名稱一篇當屬於承天府者原編乃誤置全省圖經之下葉旁編注號碼必後人改裝時所爲未敢認爲原定次第故均略爲訂正

六原稿隨手撮錄紙有餘幅亦往往廁入他文並非同出一書而性質又不相合者茲均別爲一葉但仍以類相從不令先後歧錯